

Na osnovu člana 37. Okvirnog zakona o predškolskom odgoju i obrazovanju u BiH („Službeni list BiH“ br. 88/07), člana 48. Zakona o predškolskom odgoju i obrazovanju KS („Službene novine KS“ br. 26/08, 21/09 i 33/21) i Odluke Upravnog odbora JU „Djeca Sarajeva“, broj: 01-01-10/22 od 11.02.2022. godine, objavljuje se :

PONIŠTENJE JAVNOG KONKURSA ZA IZBOR I IMENOVANJE DIREKTORA JAVNE USTANOVE „DJECA SARAJEVA“ SARAJEVO

Poništava se Javni konkurs za izbor i imenovanje direktora Javne ustanove „Djeca Sarajeva“, objavljen u dnevnim novinama „Dnevni avaz“ i na web stranici Javne ustanove i Ministarstva za odgoj i obrazovanje Kantona Sarajevo dana 5.1.2022. godine.

Napomena: Kandidati koji su predali prijavu na Javni konkurs po ovom pozivu svoju dokumentaciju mogu preuzeti svakim radnim danom od 8:00 do 15:00 sati u prostorijama Uprave JU „Djeca Sarajeva“ Sarajevo, ul. La Benevolencija broj 4, 71000 Sarajevo u roku od 7 dana od dana objave obavještenja.

Na osnovu člana 37. Okvirnog zakona o predškolskom odgoju i obrazovanju u BiH („Službeni list BiH“ br. 88/07), člana 48. Zakona o predškolskom odgoju i obrazovanju KS („Službene novine KS“ br. 26/08, 21/09 i 33/21), čl. 27, 29. i 30. Uredbe sa zakonskom snagom o ustanovama („Službeni list R BiH“ br. 6/92, 8/93 i 13/94) i čl. 41- 44. Pravila JU „Djeca Sarajeva“ Sarajevo broj:06-01-3/19 od 14.11.2019.godine te Odluke Upravnog odbora broj: 01-01-11/22 od 11.02.2022. godine, Upravni odbor Javne ustanove „Djeca Sarajeva“ raspisuje

JAVNI KONKURS ZA IZBOR I IMENOVANJE DIREKTORA JAVNE USTANOVE „DJECA SARAJEVA“ SARAJEVO, NA PERIOD OD 4 GODINE

I - UVJETI ZA IZBOR

Kandidat za direktora Javne ustanove „Djeca Sarajeva“ mora da ispunjava slijedeće opće i posebne uvjete:

1. Opći uvjeti:

- a) da je kandidat stariji od 18 godina;
- b) da je kandidat državljanin Bosne i Hercegovine;
- c) da kandidat nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini (bilo na nivou države ili entiteta) u periodu od prethodne tri

godine do dana objavljivanja upražnjene pozicije;

d) da se na tog kandidata ne odnosi član IX tačka 1. Ustava Bosne i Hercegovine;

e) da kandidat nije osuđivan za krivično djelo i za privredni prijestup nespojiv sa obavljanjem dužnosti direktora;

f) da kandidat nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine i Zakona o ministarskim, vladinim i drugim imenovanjima Federacije Bosne i Hercegovine;

g) da kandidat nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona može izreći kazna zatvora u trajanju od tri mjeseca i više.

2. Posebni uvjeti:

a) da je kandidat stekao najmanje VII stepen stručne iz oblasti predškolskog odgoja i obrazovanja, fakultet humanističkog smjera ili fakultet društvenog smjera;

b) da ima najmanje 5 godina radnog iskustva na poslovima iz oblasti odgoja i obrazovanja nakon stečenog VII stepena stručne spreme;

c) da kandidat ima položen stručni ispit za obavljanje odgojno-obrazovnog rada;

d) da se kandidat naročito ističe svojim radom u organizaciji odgojno-obrazovne djelatnosti, pedagoškoj teoriji i praksi;

e) da kandidat nema privatni finansijski interes u Ustanovi u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije Bosne i Hercegovine" broj 70/08);

f) da kandidat, u trenutku podnošenja aplikacije, na upražnjenu poziciju nije član Upravnog ili Nadzornog odbora JU Djeca Sarajeva

II - SADRŽAJ PRIJAVE

Kandidati su dužni dostaviti slijedeću dokumentaciju (original ili ovjerenu kopiju, ne starije od 3 mjeseca):

- svojeručno potpisanu prijavu na javni konkurs sa kontakt podacima (adresa stanovanja, broj telefona i e-mail adresa) i tačno navedenom dokumentacijom koja se prilaže na javni konkurs. Obrazac prijave kandidati mogu preuzeti lično u sjedištu Javne ustanove „Djeca Sarajeva“ na adresi La Benevolencija br.4 ili na zvaničnim web stranicama JU “Djeca Sarajeva“ Sarajevo i Ministarstva za odgoj i obrazovanje Kantona Sarajevo;

- biografiju;

- izvod iz matične knjige rođenih;

- uvjerenje o državljanstvu;

- dokaz o stručnoj spremi / diploma o završenom VII stepenu stručne spreme iz oblasti predškolskog odgoja i obrazovanja, fakultet humanističkog smjera ili fakultet društvenog smjera;

- dokaz o ostvarenom radnom stažu i iskustvu na prethodnim pozicijama (potvrda ili uvjerenje);

- uvjerenje o položenom stručnom ispitu za obavljanje odgojno-obrazovnog rada;

- poželjna potvrda/preporuka poslodavca da se kandidat naročito ističe svojim radom u organizaciji odgojno-obrazovne djelatnosti, pedagoškoj teoriji i praksi;

- potpisane i ovjerene izjave od strane nadležnog organa (Općinska služba ili notar) kojima kandidat potvrđuje sljedeće:

a) da kandidat nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini (bilo na nivou države ili entiteta) u periodu od prethodne tri godine do dana objavljivanja upražnjene pozicije,

b) da se na kandidata ne odnosi član IX 1. Ustava Bosne i Hercegovine,

c) da kandidat nije osuđivan za krivično djelo i za privredni prestup nespojiv sa obavljanjem dužnosti direktora,

d) da kandidat nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine i Zakona o ministarskim, vladinim i drugim imenovanjima Federacije Bosne i Hercegovine,

e) da kandidat nema privatni finansijski interes u Ustanovi u smislu Zakona o sukobu interesa u organima vlasti u Federaciji Bosne i Hercegovine,

f) da kandidat, u trenutku podnošenja aplikacije, na upražnjenu poziciju nije član Upravnog ili Nadzornog odbora JU Djeca Sarajeva,

g) da kandidat nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona može izreći kazna zatvora u trajanju od tri mjeseca i više.

Direktora JU „Djeca Sarajeva“ imenuje Upravni odbor na osnovu javnog konkursa i uz saglasnost Vlade Kantona Sarajevo.

III - DOSTAVLJANJE PRIJAVA I TRAŽENIH DOKAZA

Javni konkurs će biti otvoren 15 (petnaest) dana od dana zadnjeg objavljivanja.

Prijave sa traženom dokumentacijom se dostavljaju najkasnije do 03.03.2022. godine putem protokola ili preporučenom poštom u zatvorenoj koverti na adresu:

Javna ustanova „Djeca Sarajeva“, Sarajevo, ul. La Benevolencija br. 4, 71000 Sarajevo.,

sa naznakom "Prijava na javni konkurs za izbor direktora Javne Ustanove „Djeca Sarajeva“ Sarajevo - Ne otvaraj".

IV – NAPOMENA

Nepotpune i neblagovremene prijave kandidata koji ne ispunjavaju uvjete javnog konkursa, fotokopije dokumentacije koje nisu ovjerene kao i izjave kandidata koje nisu ovjerene od strane nadležnog organa, neće se uzeti u razmatranje.

O rezultatima konkursa kandidati će biti obavješteni u roku od osam (8) dana od dana donošenja odluke o imenovanju, u pisanoj formi putem pošte na adresu navedenu u prijavi.

Uvjerenje da protiv kandidata nije potvrđena optužnica ili izrečena pravosnažna presuda ili mjera za jedno ili više krivičnih djela za koje se odredbama važećeg Krivičnog zakona može izreći kazna zatvora u trajanju od tri mjeseca i više, te uvjerenje da kandidat nije osuđivan za krivično djelo i privredni prestup nespojiv sa obavljanjem dužnosti direktora ustanove, biti će pribavljena po službenoj dužnosti za izabranog kandidata.

Ljekarsko uvjerenje izdato od nadležne zdravstvene ustanove, izabrani kandidat dostavlja ustanovi nakon imenovanja za direktora ustanove.

Izrazi koji se koriste u ovom konkursu, a imaju rodno značenje, odnose se jednako na muški i ženski rod.